



Prüma lectüra preventiv 2019

Ils gremis responsabels han repassà il prüm sböz dal preventiv dal quint d'investiziuns e dal quint da success per l'on 2019. La segunda lectüra dal preventiv 2019 ha lö principi october.

Proget Via Maistra Zernez - trassè

In üna sezzüda cumünaivla cun tuot ils progettaders da la Via Maistra a Zernez sun gnüts terminats ils prossems adattamaints da progettaziun. L'uffizi da construcziun bassa ha preschantà üna proposta detagliada dal proget da la lingia da la via, trottuars, isla da sgürezza e passagis da peduns. La suprastanza ha tut posiziun in sen positiv ed ha approvà las actas dal uffizi da construcziun bassa. La progettaziun varà lö d'ürant il 2018, la planisaziun da detagl d'ürant l'on 2019 e lura la fabrica in etappas a partir dal 2020.

Sanaziun ed ingrondimaint chasa da scoula Zernez – surdatta da lavurs da planisaziun

La suprastanza cumünala ha surdat las lavurs da planisaziun da la sanaziun ed ingrondimaint da la chasa da scoula a Zernez al büro d'architectura Brasser Architekten a Samedan.

Planisaziun locala - zona da planisaziun a basa dal plan directiv chantunal

La suprastanza ha decretà sur tuot il territori cumünal üna zona da planisaziun a basa da l'artichel 21 da la ledscha chantunala per la planisaziun dal territori (KRG). La zona da planisaziun es gnüda decretada per la d'ürada da duos ons.